


## Takatso ea Lichaba



---

### SABATHA THAPAMA

#### **Bakeng sa Thuto ea Beke ena Bala:**

Esaia 59; Esa. 59:15–21; Esa. 60:1, 2; Esaia 61; Esa.61:2.

#### **Temana ea Khopolo:**

“Lichaba li tla tsaamaea leseling la hao, marena a tle khanyeng ea mahlaseli a hao”  
(Esaia 60:3).

**R**e lokela ho ithuta sekolong sa Kreste. Ha ho letho hae se ho loka ha hae ho re neang tokelo litlhohonolofatsong tsa selekane sa mohau. Re lakalitse ka nako e telele le ho leka ho fumana litlhohonolofatso tsena empa ha re so li fumane hobane re lekantse hore re ka etsa letho ho iketsa ba lokelehang ho li amohela. Ha re so ka re sheba kathoko ho rōna, ho lumeleng hore Jesu ke mopholosi ea phelang. Ha rea lokela ho nahana hore khauho le maemo a rōna li ka re pholosa; mohau oa Kreste ke eona fela tšepo ea rōna ea pholoho. Ka moporofeta oa hae Morena oa tšepisa, ‘Molotsana a furalle tsela ea hae, ea khopo a tlohele mehopollo ea hae, a sokolohela ho Jehova, ’me o tla mo hauhela; a sokolohela ho Molimo oa rōna, hobane o tšoarella haholo’ (Esaia 55:7). Re lokela ho lumela tšepiso e tsotse joalo, e seng ho amohela boikutlo bakeng sa tumelo. Ha re tšepa Molimo ka botlalo, ha re itšetleha ho lokeng ha Jesu e le mopholosi ea tšoareleng libe, re tla amohela thuso eohle eo re ka e lakatsang.”— Ellen G. White, *Faith and Works*, p. 36.

Bekeng ena re ka bona ’nete ena haholo joalo ka ha e senotsoe lingoloeng tsa moporofeta Esaia.

*\*Ithute Thuto ea Beke ena ho lokisetsa Sabatha sa la 20, Tlhakubele.*

## Tholoana tsa Sebe (Esaia 59)

Ho Esaia 58:3 batho ba ile ba botsa Molimo: “Na re itimelang lijo, ha u sa re bone? Re hlokofaletsang meea ea rōna, ha u sa hlokomele teng na?””. Ka lehlakoreng le leng, Esaia 59:1 e lekanya potso e ’ngoe, joalo ka: “Hobaneng re bitsa letsoho la Jehovah ore le re pholose, empa a sa etse? Hobaneng re hooeletsa ho eena, empa a sa re utloe?” Esaia o arabela ka hore Molimo o khona ho utloa le ho pholosa (Esa. 59:1). Ho hloleha hoa hae ho se li etse bobeli leha ho le joalo ke taba e ’ngoe e fapaneng.

**Bala Esaia 59:2. Ke molaetsa ofe o fanoang mo o arabang potso e ho Esaia 59:1?**

---

---

---

Molimo o khetha ho “iphapanyetsa” sechaba sa hae, e seng hobane e le takatso ea hae empa ka hobane “ke litlōlo tsa lōna tse le arohantseng le Molimo oa lōna” (Esa. 59:2). Mona ke e ’ngoe ea lipolelo tse hlakileng ka hare ho Bibeletse malebana le litholoana tsa sebe likamanong tsa Molimo le batho. Esaia o qetela khaolo ea 59 ka ho pharalatsa nthla ea hae, e bonoang hohle nalaneng ea botho: Sebe se ka senya likamano tsa rōna le Jehova le ho isa timelong, e seng hobane sebe se leleka Molimo pel’a rōna empa e le hore se leleka rōna pel’a Molimo.

**Bala Genese 3:8. Ke joang mohlala oo o senolang motheo o boletsoeng serapeng se ka holimo?**

---

---

---

Sebe hantle ke ho latola Molimo, ho mo furalla. Ketso ea sebe hantle e ipha matla e seng fela hore ketso ka bo eona ke ho furalla Molimo empa tholoana ea ketso e etsa moetsalibe a balehele hore le Morena. Sebe se re arola le le Molimo, e seng hobane Molimo a sitoa ho fihlela moetsalibe (hantle, Bibeletse eohle ha se letho ha e se tleho ea Molimo ho leka ho fihlela le ho pholosa baetsalibe) empa ka ha sebe se etsa hore re hane katamelo ea hae ho rōna. Ke ka hoo ho leng bohlokoa hore re se k era lumella sebe maphelong a rōna.

**Ke ka litsela life o bileng le maiphihlelo a hore sebe ehlile se re arola le Molimo? ke eng ka maiphihlelo a hao, e leng eona fela tharollo bothateng boo?**

## Ke Mang ea Tšoaretsoeng? (Esa. 59:15–21)

Esaia 59 e bontša setšoantšo se makatsang sa bothata ba sebe. Ka lehlohonolo Biblele hape e bontša tšepo ea topollo. Ho qala, potso ea pele ke hore, ke ba ba kae ba rōna ba entseng sebe? Biblele e hlakile: Bohle re sitiloe. Topollo ka hona, e ke ke ea itšetleha holima ho hloka sebe; e lokeloa ho ipapisa le tšoarelo (Jer. 31:34). Paulose oa lumela. Bohle ba sitiloe (Ba-Rom. 3:9–20, 23); joale, ha ho ka ke ha ba le khethollo tabeng eo (Ba-Rom. 3:22). Ba lokafalitsong ba ahloleloa ba lokile, ha fela ba amohela ka tumelo neo ea Molimo ea ho loka ka sehlabelo sa Krete.

**Bala Ba-Roma 3:21–24. Litemana tsee li re bolella eng ka hore na re bolokeha joang? Ke tšepo efe eo li lokelang ho re fa eona kahlolong?**

---

Batho ba bangata ba nahana hore potso kahlolong ke hore: Ke mang ea entseng sebe? Empa ha se potso e lokelang ho botsoa, hobane bohle ba entse sebe. Empa, potso ke hore: Ke mang ea tšoaretsoeng? Molimo o lokile ha a lokafatsa “ea nang le tumelo ho Jesu” (Ba-Rom. 3:26). Taba e khaolang khang kahlolong ke, Ea amohetseng le ho tsoela pele ho amohela tšoarelo ka ho ba le tumelo ho Jesu? Joale, ke ’nete re ahloloa ka mesebetsi, empa e seng ka khopolo ea hore re pholosa ke mesebetsi. Ha ho ka ba joalo, e tla ba tumelo e fetoha lefela (Ba-Rom. 4:14). Empa, mesebetsi ea rōna e senola hore na e fela re pholositsoe na (Jakobo 2:18).

**Hobaneng mesebetsi e ke ke ea re pholosa, e kaba joale kapa kahlolong? Sheba Ba-Rom. 3:20, 23.**

---

Ho se ho le morao haholo hore mesebetsi e metle kapa kutlo molaong, ho ka re pholosa. Sepheo sa molao lefatšeng la sebe ha se ho re pholosa empa ho supa sebe. Empa, “tumelo ka letato” (Ba-Gal. 5:6), lerato le tšeloang pelong ke Moea oa Molimo (Ba-Rom. 5:5), le bontša hore motho o na le tumelo e phelang ho Jesu (sheba hape Jakobo 2:26).

Mesebetsi ke pontšo ea kantle, ba tumelo e pholosang. Ke ka lona, maiphihlelo a Bokreste a ’nete, ke ao ka oona tumelo e bonahalang linthong tsa letsatsi ka leng tse etsetsoang Morena tse senoloang ke kutlo molaong. Kahlolong, Molimo o sebelisa mesebetsi e bopaki bakeng sa libopua tsa hae, tse ke keng tsa bala mehopoloe ea tumelo joalo ka eena. Empa bakeng sa motho ea sokolohileng, ke mesebetsi e latelang pako fela, ha bophelo bo matlafalitsoe ke Krete le Moea o Halalelang, e ka lokelang kahlolong. Bophelo ba pele ho pako ba sebe bo se bo hlatsuo ka mali a konyana (sheba Ba-Roma 6).

## Boipiletso bo Akaretsang (Esa. 60:1, 2)

**Esaia 60:1, 2 e bua ka eng? Ke motheo ofe oo u o bonang tšebetsong moo o bonoang hohle ka Bibeleng? Ke tšepo eo o fanang ka eona?**

---

Ho Esaia 60:1, 2, re fuoa setšoantšo sa topollo ea Molimo ea sechaba sa hae, ka mor'a kholeho, ka tšoantšetso ea leseli la Molimo la tlhoho ho tsoa lefifing, le supang pele phethahatsong ea topollo ka Kreste.

**Ho Esaia 60:3, ke leseling la mang moo lichaba le Marena li tlang ho lona?**

---

Ka se-Heberu lereho motho lena le bonngoeng ba botšehali (sheba hape Esa. 60:1, 2). E lokela hore ke “Sione,” e mothofalitsong e le mosali, ea boleloang ho isa qetellong ea khaolo e fetileng (Esa. 59:20). Joale, batho ba lefatše, ba khurumelitsong ke lefifi, ba tla tla Sione. Ba tla hoheloa ke leseli la khanya ea Molimo le phatsimang ho eona (Esa. 60:2). “Sione e memeloa ho kena leseling la eona ho sheba le ho sebeletsa lichaba ha li ntse li bokanela leseli le tšoanang.”—J. Alec Motyer, *The Prophecy of Isaiah: An Introduction and Commentary*, p. 494. Hlokomela hore, leha Sione e le Jerusalema, taba kholo e ho sechaba e seng ha ka kang sebaka sa motse. Boholo ba Esaia 60 bo hlalisa sehloho se leleketsoeng litemaneng tsa 1–3: Lichaba tsa lefatše li phutheloa Jerusalema, e hloholonofalitsong ke boteng ba Molimo moo.

**Ke joang boporofeta bo bo bapisoang le selekane sa Molimo le Abrahams? Gen. 12:2, 3. Na ha li bue ka ntho e le 'ngoe?**

---

Molimo o ne a na le morero o akaretsang ha a ne a khetha Abrahamama le litlohoho tsa hae: Ka Abrahamama mefuta eohle ea lefatše e tla hlohonolofala (Gen. 12:3, Gen. 18:18, Gen. 22:18). Ka hona, selekane sa Molimo le Abrahamama hantle se ne se reretsoe batho bohle ka Abrahamama. Eena le litlohoho tsa hae e ne e tlabo mocha oa tšenolo ea Molimo lefatšeng. Esaia o lakatsa ho khutlisetsa sechaba sa hae boemong ba bona ba khale. E le baemeli ba 'nete ba Molimo, ba ne ba jara boikarabello e seng ba bona fela empa ba lefatše lohle. Ba lokela ho amohela balichaba ba batlang Molimo (sheba hape Esa. 56:3–8), hobane tempele ea hae “e tla bitsoa ntlo ea thapelo bakeng sa lichaba tsohle” (Esa. 56:7).

**Boemong boo, u utloisang joang mosebetsi oa kereke ea Seventh-day Adventist, kapa, ka kotloloho, mosebetsi oa hao u le motho ka har'a kereke eo?**

## “Selemo sa Mehauhelo ea Jehova”

(Esa. 61:2, NRSV)

**Ke mang ea buang ho Esaia 61:1?**

---

Moea oa Molimo o ho motho enoa ea tlotsitsoeng, ho bolelang hore ke Messia. “O ntlotsitse hore ke tle ke bolelle ba malimabe taba tse molemo; o nthomile ho folisa ba robهيلeng lipelo, ho bolella ba tlamiloeng tokoloho, le ho tsebisa ba teronkong ho buloa ha eona” (Esa. 61:1). O utloahala joalo ka mang eo? Bapisa Esaia 42:1–7, moo Mohlanka oa Molimo a hlalosoang ka mantsoe a tšoanang.

Esaia 61:2 e bua ka “selemo sa Jehova.” Messia, eo e leng motlotsuo e le Morena le Mopholosi oa leloko la Davida, o phatlalatsa selemo se khethehileng sa mehauhelo ea Molimo nakong eo a phatlalatsang tokoloho. Bapisa Levitike 25:10, moo Molimo a laelang ba-Iseraele ho phatlalatsa tokoloho selemong se halelang sa bo-mashome a mahla: “E tla ba Jubile ho lōna. E mong le e mong a lōna o tla khutlela lefeng la hae, e mong le e mong a khutlele mofuteng oa hae”. Sena se bolela hore batho ba ileng ba qobelleha ho rekosa lefatše la bona kapa ho ba bahlanka e le hore ba pholohe linakong tse thata (Lev. 25:25–55) ba fumana lefatše la bona le tokoloho. Hobane selemo sa jubile se qalile ka ho letsoa ha terompeta ka letsatsi la lipheko (Lev. 25:9), re buile ka temana ena pejana malebana le Esaia 58.

Ha “selemo sa mehauhelo ea Jehova” ho Esaia 61:2 ke mofuta oa selemo sa Jubile, ha se fela ho boloka Levitike 25. Selemo sena se phatlalatsa ke Messia, Morena, ha a iponahatsa ka bosebeletsi ba tokoloho le nchafatso. Sena se tšoana hantle le Marena a Mesopotamia a neng a thoholetsa mosa sechabeng ka ho lokolla likolotong bakong ea lilemo tsa bona pele tsa puso ea oona. Bosebeletsi ba Messia bo fetisa seo molao oa Levitike 25 o leng sona. Ha se fela hore o “bolella ba holehiloeng tokoloho,” hape o tlamella ba lipelo li robهيلeng, o tšelisa ba llang, le ho ho khutlisetsa tsa bona (Esa. 61:1–11). Ho feta moo, holim’a “selemo sa mehauhelo ea Jehova,” o phatlalatsa “letsatsi la liphetsetso la Molimo oa rōna” (Esa. 61:2).

**Ke neng boporofeta ba Esaia bo ileng ba phethahala? Luka 4:16–21. Ke joang bosebeletsi ba Jesu bo ileng ba phetha see? Hape, ipotse potso ena ea bohlokoa: Rōna, ha re bo-Jesu ruri. Empa re lokela ho mo emela lefatšeng. Ke lintho life tseo Messia a li etsang, joalo ka ha ho boletsoe ho Esaia 61:1–3, tseo rōna, ka bokhoni bo fokolang, re ka li etsang? ’Me ke litsela life tseo re ka etsang lintho tsee?**

## “Letsatsi la Liphetetso tsa Molimo oa Rōna” (Esa. 61:2, NRSV)

**Har’a taba tsohle tse molemo, hobaneng Messia, joalo ka ha ho bontšoa ho Esaia 61, a phatlalatsang phetetso ea Molimo? Boporofeta bo phethahala neng?**

Ha a le Nazaretha, Jesu, Messia, o ile a bala Esaia 61 ho fihlela moo ho thoeng “ho phalatsa selemo sa mehauhelo ea Morena” (Esa. 61:2; Luka 4:19). Eaba oa khaotsa a nto re: “‘Kajeno, lengolo leo le etsahetse, le ikutloela’” (Luka 4:21). Ka hona, ka boomo le ka boikemisetso a qoba ho bala mantsoe a latelang temaneng e tšoanang: “letsatsi la phetetso ea Molimo oa rōna” (Esa. 61:2). Ha bosebeletsi ba hae ba taba tse molemo, ba tokoloho, le matšeliso, bo ne bo qalella ho lokolla baholehuoa litšosong tsa Satane, letsatsi la phetetso le ne le so ka le fihla. Ho Mattheu 24 (bapisa Mark 13, Luka 21), o ile a profetela barutuo ba hae hore kahlolo ea Molimo e tla tla kamoso. Le joale, ho Esaia 61 letsatsi la phetetso ea Molimo ke “letsatsi le leholo le tšabehang” (Joele 2:31; Mal. 4:5), le tla phethahatsoa ha Kreste a tla hape ho lopolla lefatše lena ka ho hlola lira le ho lokolla Baleti ba khatellong a sechaba sa hae (Tšenolo 19; bapisa Dan. 2:44, 45). Ka hona, leha Kreste a phatlalatsa qaleho ea “selemo sa mehauhelo ea Jehova,” hloro ea eona e ho khutleng la bobeli.

**Ke joang o hokahanyang taba ea Molimo o lerato le Molimo eo hape a tšepisang ho iphetetsa? Na khopolo tse peli tsee li ea nyallana? Kapa na u utloisisa phetetso e le ponahatso ea lerato leo? Ha e ba ho joalo ke joang? Hlalosa karabo ea hao.**

Leha Jesu a re boleletse hore re fane ka lerama le leng (Matt. 5:39), kae kae o ne a hlakile hore toka le kotlo li tla bonahatsoa (Matt. 8:12). Leha Paulose a re bolella hore re se ke ra “busetsa bobo ka bobo” (1 Thess. 5:15), hape o iltse ha Morena a bohanatsoa ho tsoa leholimong, “ka mollo o tukang ho ipetetsa ho ba tsebeng Molimo” (2 Thess. 1:8).

Phapano, ke hore Morena ka bohlae bo se nang tekanyo le mohau ke eena fela a ka tlisang toka le phetetso ka ho phethala a sa ee ka leeme. Toka ea batho, le phetetso ea batho, li tla le liphoso tsohle, le mefokolo eohle, le ho se be le teka-tekano bathong. Toka ea Molimo, eona ruri e tla tla e se na likhaello.

**Ke efe ea liketsahalo tse latelang e ka etsang hore u batle phetetso e khutlisetsoe ho ea entseng bobo? (1) Motho ea utloisang motho e mong bohloko eo u sa mo rateng (2) motho ea utloisang motho eo u mo ratang bohloko? Ke joang sena se re thusang ho utloisisa khokahano lipakeng tsa lerato la Molimo bakeng sa rōna le tlhokomeliso ka phetetso?**

## Ho Ithuta Haholoanyane:

Sheba hape Ellen G. White, *Patriarchs and Prophets*, pp. 376–378; also *The Desire of Ages*, pp. 236–243. “Jesu o eme ka pele ho batho e le mohlala o phelang oa boporofeta bo supang ho eena. Ha a hlalosa mantsoe ao a balileng, o buile ka Messia e le molopolli oa hateletsoeng, molokolli oa baholehuoa, mofolisi oa ba bohlokong, ea khutlisetsang pono ho ba fougatseng, le ho senolela lefatše leseli la ’nete. Mokhoa le boitšoaro ba hae tse khahlang le matla a mantsoe a hae a ile a sisinya ba mo mametseng ka matla ao ba so kang ba a utloa pele. Leqhubu la tšusumetso ea leholimo le ile la khaola thibelo e ’ngoe le e ’ngoe; joalo ka Moshe, ba bona ea sa bonoeng. Ha lipelo tsa bona li angoa ke Moea o Halalelang, ba ile ba arabela ka amene tse matla le lithoriso ho Morena.”—Ellen G. White, *The Desire of Ages*, p. 237. “Letsatsi la pheto ea Molimo le ea tla—letsatsi la khelefo ea hae e tukang. Ke mang ea emang letsatsing la ho tla ha hae? Batho ba thatafalitse lipelo tsa bona khahlanong le Molimo, empa metsu ea khalefo ea hae e tla hlaba moo metsu ea kholiseho e sitiloeng ho hlaba. Molimo ho tloha nakong eo o tla ema ho sebetsana le moetsalibe. Na molisa oa bohata o tla sireletsa setloli sa molao letsatsing leo? Na a ka phema kotsi eena ea ileng a tsamaea le matšoele tseleng ea ho hloka kutlo? Na ho tuma kapa lipalo li ka etsa hore e mong a se fumanoe a le molato? Tsena ke lipotso tseo ba sa tsotelleng le ba hlohang tsebo ba lokelang ho li sheba le ho fihlela qeto ka bo bona.”—Ellen G. White, *Faith and Works*, p. 33.

## Lipotso tsa Puisano:

**Moruti oa Seventh-day Adventist ka boinahano bohle o ile a bolela hore bothata ba hae ba pele bosebeletsing ke ho ikhetha hoa litho tsa kereke tse sa batleng ba bang ho ka ikopanya le bona. Ke joang “Bakreste” ba nkang lerato, le tšepo, le litaba tse molemo tsa ’muso oa Krete ho li isa lefatšeng lohle e le hore bohle ba be monyetla oa hore ba pholoso e pele bofelo ba hlaha (Matt. 24:14) ha ba sa batle le motho ea fela ea tsoang tseleng ea hae ho hlaha thoso fela kerekeng ea bona?**

**Kakaretso:** Molimo o hloekisa secha se se nang toka ka ho tlosa marabele le ka ho khutlisetsa Baleti ba khutlileng libeng tsa bona tse neng li ba arohantse le eena. Ka lebaka la litlhohofanolotso tsa boteng ba Molimo, batho ho tsoa lichabeng tse ling ba huleloa ho Molimo le sechaba sa hae e le hore le bona ba tle ba natefeloe ke nako ea mehauhelo ea Molimo e phatlalatsang le ho tlosoa ke Messia.